

3-BOB.HTML TILINING GIPERMUROJAATLARI

§ 3.1. Sayt - hujjatlariga va sayt bo'limlariga murojaat

Gipermatn xujjat – bu boshqa xujjatlarga o'tish uchun aloqa bog'lovchi murojaatni o'zida saqlaydigan xujjat[12,14]. U sichqoncha tugmasini bosish orqali bir xujjatdan ikkinchi xujjatga tezlik bilan o'tishni ta'minlaydi. Bunday aloqalarni zamonaviy maxsulotlar dasturlari fayllarida ko'plab uchratish mumkin.

Gipermatnga asos qilib ko'p maqolalarida boshqasiga murojaat qiladigan entsiklopedik slovarlarni tashkil etish printsiplari olingan. Web – sahifalarga joylashtirish mumkin bo'lgan ko'plab multimedia ob'ektlari mavjud. Zamonaviy gipermatn xujjatlarda matnning o'ziga qo'shimcha qilib ko'pincha xar xil grafika, video va audio ob'ektlardan foydalaniladi. Aloqa sifatida esa tasvir ishlatiladi.

Gipermurojaat – bu maxsus HTML tegi bo'lib, unda parametr sifatida zaruriy xujjat manzili saqlanadi. Giperaloqa aktivlashganda (zamonaviy grafik brouzerlarda bu ish sichqonchaning chap tugmasini bosib amalga oshiriladi) zaruriy Web – serverga HTTP – talab (kerakli xujjat nomi bilan) yuboriladi. Gipermurojaat ikki qismdan iborat. Uning birinchi qismini murojaat ko'rsatkichi (anchor), brouzerga instruktsiya beradigan, ikkinchi qismi esa murojaatning adres qismi (URL - adres) deyiladi. Agar foydalanuvchi sichqoncha kursorini murojaat (ссылка) ko'rsatikichiga olib kelsa, bu holda u ko'rsatuvchi belgiga aylanadi (giperaloqaning birinchi belgisi). Foydalanuvchi murojaat ko'rsatkichi bo'yicha sichqonchaning tugmasini bosib, murojaat qilinayotgan xujjatni oladi.

Murojaat ko'rsatkichi so'z, so'zlar guruhi yoki tasvir bulishi mumkin. Murojaatning tashqi ko'rinishi uning xiliga, usuliga va brouzer ko'rib chiqish dasturining qo'yilishiga bog'liq bo'ladi. Ko'rsatkichlarning matnli va grafikli xillari mavjud. Gipermurojaat ushbu HTML – hujjatning biror elementi bilan boshqa web – sahifa yoki biror mustaqil ob'ekt o'rtasida aloqa o'rnatish uchun ishlatiladi. Gipermurojaat sifatida matn yoki grafik elementlardan foydalanish mumkin. Umumiy qoidaga asosan matnli gipermurojaat sahifada tagiga chizilgan rangli yozuvli qator

ko‘rinishida bo‘ladi.

Matnli gipermurojaatlarni to‘rtta kategoriyaga bo‘lish mumkin:

- Boshqa sayt - hujjatlariga murojaat;
- sahifa bo‘limlariga murojaat;
- elektron pochta manziliga(adresiga) murojaat;
- fayl – ob’ektlarga murojaat;

Boshqa web – sahifani chaqiruvchi oddiy gipermurojaatni HTML – hujjatda <A> tegi yordamida amalga oshirish mumkin, uning sintaksisi quyidagi ko‘rinishga:

<AHREF="URL" TARGET="parametr" TITLE="alternativ matn">

Gipermurojaat matni.

Bu yerda HREF atributi web-sahifaning manzilini ifodalaydi. Agar chaqiriluvchi hujjat boshqa serverda joylashgan bo‘lsa, manzil to‘liq URL sifatida namoyon bo‘lishi mumkin, masalan: <http://www.ziyonet.uz/page.html>[2].

Agar chaqiriluvchi hujjat ushbu lokal serverda joylashgan bo‘lsa, manzil qisqa ko‘rinishdagi URL sifatida namoyon bo‘lishi mumkin, masalan: "/folder/page.html". Agar chaqiriluvchi hujjat chaqiruvchi hujjat bilan bir direktoriyada joylashgan bo‘lsa, u holda HREF atributining parametri sifatida faqatgina faylning nomi ko‘rsatilishi kifoya qiladi. TARGET atributi hujjatning brouzer muloqot oynasida aks etish holatining qoidalarini ifodalovchi komandalarga egadir. Bu komandalar dasturda “_” (ostki chiziqcha) belgisi yordamida yoziladi. Ular ichida ko‘proq uchraydigan parametr "_blank" parametridir. TARGET="_blank" komandasi ochilayotgan hujjatni yangi muloqot oynasida aks ettiradi. TITLE atributi yordamida alternativ matn tuziladi. Foydalanuvchi sichqonchanning kursorini gipermurojaatning ustida bir necha daqiqa ushlab tursa, kichkina to‘rtburchak ichida alternativ matn namoyon bo‘ladi. Alternativ matnda chaqiriluvchi hujjat to‘g‘risida batafsil ma’lumot berish mumkin.

Shuni nazarda tutish kerakki, <A> tegi o‘zining ichida xuddi o‘zi kabi boshqa tegni joylashtirishga ruxsat bermaydi, ya’ni bir gipermurojaat ichida ikkinchi gipermurojaat komandasidan foydalanib bo‘lmaydi.

Sayt bo'limlariga murojaat

Web – sahifada ba'zan gipermurojaat boshqa hujjatlarga emas, aynan shu sahifaning boshqa bo'laklariga amalga oshirilishi mumkin. Bunday gipermurojaatni aktivlashtirishda browser ekranni shunday harakatga keltiradiki, bu holda qidirilayotgan bo'lim yoki axborot ekranning yuqori qismida namoyon bo'ladi. Sayt bo'limlariga gipermurojaatni ikki qismda amalga oshirish mumkin. Birinchi qismda NAME atributi yordamida chaqiriluvchi bo'lakka unikal (takrorlanmas) nom beriladi:

```
<A NAME="bo'lak nomi">kalit so'z yoki bo'lim sarlavhasi</A>
```

Ikkinchi qism gipermurojaatning o'zini tashkil qilish quyidagi komanda yordamida amalga oshiriladi:

```
<A HREF="#bo'lak nomi">gipermurojaat matni</A>.
```

Bu yerda "bo'lak nomi" lotin alfavitida yozilgani ma'quldir. Bo'limga murojaat qilinayotganda "bo'lak nomi"ning oldiga “#” belgisi qo'yiladi.

Boshqa HTML - hujjatning biror bo'limiga murojaat qilinsa, yuqoridagi algoritmi saqlanadi hamda "#bo'lak nomi"ning oldida ushbu hujjatning URL adresi yoziladi. Masalan,

```
<AHREF=http://www.server.uz/document.html#bo'lak\_nomiTARGET="_blank">gipermurojaat matni</A>.
```

HTML - hujjatning biror bo'limidan boshqa bo'limiga murojaat qilinsa, orqaga qaytish jarayonida ilgari bo'limga emas, oxirgi yuklangan sahifaga qaytadi.

§ 3.2. Elektron pochta manziliga va fayl ob'ektlariga murojaat

Biz boshqa Web – sahifalarga gipermurojaatni ko'rib chikdik. Lekin <A> tegining HREF atributi yordamida internetning boshqa servislariga murojaat qiluvchi adreslar bo'lishi mumkin. Shular qatoriga FTP – server yoki elektron pochta adresini kiritish mumkin[2,14].

```
<A HREF = "mailto: user-1@server.uz?cc=user-2@server.uz, user-3@server.uz&subject =Xat sarlavhasi"> gipermurojaat matni </A>.
```

Bu yerda **mail to:** komandasi elektron pochta adresiga murojaat qilinayotganini ko'rsatadi. **?cc** funktsiyasi xat nusxasini jo'natish uchun elektron pochta adresini ko'rsatadi. **Subject** funktsiyasida xatning mavzusini ko'rsatish mumkin.

Fayl ob'ektlariga murojaat

Web – sahifada gipermurojaat serverdagi biror fayl ob'ektlariga, masalan, arxiv ZIP fayllariga bo'lishi mumkin. Bunday fayllarga murojaat qilinganda serverdan foydalanuvchining kompyuteriga avtomatik ravishda ushbu faylni yuklovchi dastur ishga tushadi[2,16].

```
<A HREF="http://www.myserver.com/files/archive.zip"?>
```

gipermurojaatmatni

```
</A>.
```

Gipermurojaat matnining rangini boshqarish mumkin. quyidagi jadval (2.2-jadval)da web – sahifadagi gipermatn murojaatlar rangini boshqaruvchi 3 ta yangi kalit so'zlar keltirilgan.

Gipermurojaat matnining rangini boshqaruvchi kalit so'zlar

2.2.-jadval²⁷

Kalit so'zlar	Izox
LINK	LINK kalit so'zi TEXT so'zi kabi ishlatiladi. LINK=BLUE o'rnatilgan bo'lsa tashrif buyuruvchilar tomonidan foydalanilmagan barcha murojaatlar ekranda ko'k rang bilan aks etadi. <BODY TEXT = RED LINK =BLUE>
VLINK	Ba'zi murojaatlar matnining rangi ba'zan qolganlarnikidan ozgina bo'lsada farq qiladi. Bu mazkur murojaatning foydalanuvchi tomondan aktivlashtirilganligini anglatadi. Tashrif buyuruvchi boxabar bo'lgan (visited Link) ссылкани rangini VLINK kalit so'zi bilan o'zgartirish mumkin. SHu usul bilan ссылка rangini ochiq kul rang qilish mumkin. <BODY TEXT = LIME LINK = AQUA VLINK =SILVER>
ALINK	Siz yana o'zgartiraoladigan rang – bu sichqonchani chiqillatilgach paydo bo'ladigan ссылка matni rangidir. Aktiv ссылка rangi (Active

²⁷Ташков П.А. Веб мастеринг на 100%. Учебное пособие. СПб:Питер 2008г.

	Link) ALINK kalit so‘zi orqali beriladi. Agar sizning sahifangizda kimdir ishtirok etgan bo‘lsa, u holda ссылка matni LINK so‘zi bilan beriladigan ranga aylanadi. Agar unda sichqoncha chiqillasa, u holda qisqa vaqt ichida ALINK so‘zi bilan beriladigan ranga ega bo‘ladi. Shu usulda ishimizni davom ettirib aktiv ссылка matni rangini och sariqqa aylantiramiz: <BODY TEXT=LIME LINK =AQUA VLINK=SILVER ALINK = YELLOW>
--	--

Netscape brouzerida bu ranglarni Options (General preferences) komandasini tanlab va ulardan har birini Colors (rang) qo‘shimcha varaqasida joylashtirib qo‘l bilan almashtirish mumkin. Netscapeda bu ishlarni bajargach, tashrif buyuruvchilar siz tomondan berilgan fon va rangni tan olmaydilar.


Gipermurojaatni aks ettiruvchi dasturni tuzamiz. Bu dasturni giperlink.html deb nomlaymiz:

```

<HTML>
<HEAD> <TITLE>
Gipermurojaat dasturi</TITLE></HEAD><BODY>
<H2 align=center>Gipermatnli axborot tizimi</H2>
<A href = "server.html">Server, sayt, uy sahifasi</A><br>
<A href = "anatomya.html">Server anatomiyasi</A><br>
<A href = "diazyn.html" target=blank>
Web - dizaynning asosiy xususiyatlari</A><br>
<A href = "axborot.html" target=blank>
<IMG src="rasm21.jpg" width=100 height=50><br></A>
<A href = "mailto:biz@mail.ru">
Bizga murojaat qiling</A>
</BODY>
</HTML>

```

HTML dasturining bajarilishi natijasida quyidagi web – sahifa ekranda namoyon bo‘ladi (3.1- rasm):



3.1-rasm. Gipermurojaatni aks ettiruvchi dastur natijasi²⁸.

Gipermurojaat sifatida grafik tasvirlardan ham foydalanish mumkin. Grafik gipermurojaatlar xarakat qilish printsipli bo'yicha matn gipermurojaatlaridan hech qanday farqlanmaydilar. Ular tagiga chizilmaydi va ranglari ajralib turmaydi. Brouzerning ajralib ko'rinishi uchun, odatda tasvir atrofiga ramka rasmini chizadilar.

3-bob bo'yicha xulosalar

3-bobda HTML tilida ob'ektlarning aloqasi, jumladan sahifalarning bir-biri bilan uzviy aloqasi, sahifalar bilan tasviriy ob'ektlarning aloqasi haqida ma'lumot berilgan. Bu aloqalarni amalga oshirishda WWWning asosiy g'oyasi bo'lgan gipermurojaatlardan foydalanish bo'yicha batafsil ma'lumotlar berilgan.

Bundan tashqari web – sahifada aks ettiriladigan grafik komponentlarning kategoriyalari, illyustrativ grafika, funktsional grafika, dekorativ grafika haqida tushunchalar berilgan. Gipermurojaat HTML – hujjatning biror elementi bilan boshqa web – sahifa yoki biror mustaqil ob'ekt o'rtasida aloqa o'rnatish uchun ishlatiladi. Gipermurojaat sifatida matn yoki grafik elementlardan foydalanish mumkin. Umumiy qoidaga asosan matnli gipermurojaat sahifada tagiga chizilgan rangli yozuvli qator ko'rinishida bo'ladi.

²⁸Ташков П.А. Веб мастеринг на 100%. Учебное пособие. СПб:Питер 2008г.

Tayanch iboralar :

Gipermatn, gipermurojaat, Giperaloqa, Internet, tarmoq, tarmoq bayonnomasi elektron pochta, server, IP-manzil, domen, xost.

Takrorlash uchun savollar :


1. Gipermatn, gipermurojaat, Saytga murojaat haqida nimalar bilasiz?
2. Giperaloqa deganda nima tushuniladi?
3. Gipermurojaatning qanday turlarini bilasiz?
4. Elektron pochta haqida nimalar bilasiz?
5. Fayl ob'ektlariga murojaat deganda nima tushuniladi?

3-bob bo'yicha topshiriqlar


1. Quyidagi web-sahifa dasturini tuzing:




2. Quyidagi web-sahifa dasturini tuzing:



3. Quyidagi web-sahifa dasturini tuzing:



4. Quyidagi gipermurojaatni aks ettiruvchi web-sahifa dasturini tuzing:



4. Quyidagi gipermurojaatni aks ettiruvchi web-sahifa dasturini tuzing:

